

瓶

廬

詩

稿

瓶廬詩稿卷五

目錄

題徐亞陶青陽盃雨香室圖

己丑

己丑正月得汪文端碎錦書冊因題短句

題康熙舊繡冊

己丑二月偶見文文水龍舟圖發興摹之既錄原詩於上并和一詩

重題章侯畫博古牌刻本次前韻

己丑五月閱考試中書卷呈徐李兩相國用聚奎堂壁閒韻

五月二十五日聚奎堂刻題口占用前韻

酬柳門侍郎論書仍前韻

己丑七月麟芝庵得品字蓮一苞三萼亭亭秀絕
賦此貽之

濱石楊先生余執友也己丑七月余假歸省墓比
至里而先生歿已七日拜瞻遺像詩以哭之

題吳清卿臨石田張公洞圖和石田韻

己丑八月宿次公北墅重觀樂賓堂圖因題截句
吳又樂名父以先世橙齋公種菜圖冊見示敬和

冊中原韻六首

己丑八月訪桂鄧尉宿還元閣許受之以尊甫鳧
舟翁東籬中正圖付諾瞿上人屬書數字旣感其
意又待月默坐囚成三絕

華邃秋畫

趙次公藏蔣山堂書肇公非不空論寶藏論卷屬
題天真野逸四字於其端而巳有六舟隸題乃書
於後并系一詩

題趙价人扇

題胡息存臨筆坐位遺跡

題補籬種菊圖

題揚濠叟詩冊

小樓默坐風雨蕭然示萊卿姪

有人贈桂花一枝龍眼廿枚

贈吳秋農畫師

穀祥

次韻趙次侯

宗建

送行之作

重九遣興用前韻

為顧皞民題王蓬心瀟湘圖

三題章侯畫博古牌刻本次前韻

庚寅元日為徐筱雲題石谷松竹長卷

庚寅

題自臨錢叔美五柳先生圖和陶歲暮與張常侍

詩韻

金壽門秋林月話圖師六朝人筆意錢叔美稱其
古雅簡厚今從錢本摹一紙

己丑秋暫假歸里同人觴之於虛霏園蓋曾氏之
園也明年春君表奉其曾祖勉耘公歸畊圖遺像
求題敬次 先公韻二首君表將歸即以送之

題錢子密甲申年極樂寺看海棠圖

庚寅五月閱國子監學正學錄卷用壁間韻呈蔭
軒協揆

謝崇受之贈蘇齋寫明人詩

小詩代東呈銘鼎臣同年

摹黃小松載書圖即用原韻送姪孫炯孫南歸

題歐陽文忠公像

為董子珊太守

毓琦

題董思白陳眉公小像卷

題台州臨海縣宋徐貞定溫節父子墓圖為楊定甫侍御并呈其尊人友聲先生

題林錫三閣學

天麟

遺照

為錢子密

應溥

題吳仲圭竹譜敬次其尊甫韻

敬題

純廟御畫石芝圖

題張南皮畫冊

題陳章侯三友圖

矩門丈招飲西城圓通觀出示先德禹民公臨懷
仁聖教序敬賦

題羅兩峯梅兆育麟圖

辛卯

元夕題陳章侯畫博古牌刻本次前韻

臨仇十洲畫重游赤壁圖

題蔡松甫

右年

勘書圖時松甫將之官蜀中

以素篋乞得南齋諸公詩畫因題短句

題陸小石靈峯探梅圖

題沈小梅誦芬詠烈圖為梅孫方伯

爲孫駕航楫題崑崙關圖即送其之湘臬任
用前韻呈駕航京尹

遲盦見和題崑崙關圖韻述先世舊德循覽泫然
次韻奉酬

遲盦和詩再來而駕航以京尹內召聞尚在天津
也喜而有作

遲盦三疊韻見示益進而語益竒不覺歎服呼余
曰紫芝主人又不禁失笑也勉事攀和謝不敏矣
題成哲親王手書五十生辰賜物單

辛卯臘月十九日蔭軒協揆邀同人作坡公生日

文卿同年奉茶陵相國像至未暇展拜也敬賦二
詩和蘇齋老人韻

駕航次崑崙關圖韻見示走筆奉和兼呈老遲
題舊藏杭大宗詩畫冊

閨中望雨呈祁子禾丈用壁閒韻

遣興

禾丈示詩奉和一首

贈霍慎齋同年

贈李苾園閣部

再簡慎齋

鮒魚和子禾丈

青來爲我作瓊闈玩月圖破秋題詩渺然有湖山之思時方校閱未暇奉答放榜前一日次韻以發一笑

題吳憲齋等五人畫東坡事蹟圖用東坡送周正孺帥東川韻

壬辰九月廿九日與汪艤亭侍郎奉派武殿試讀卷官同宿內閣直廬艤亭以玉照屬題率賦此詩題孫遲庵藏天女散花圖

壬辰十一月廿日與族人朗生翦燈話舊兼及釐

卡各事慨然而歎因賦一詩

題祝枝山書樊毅碑華山碑

去年題壺巢崑崙題壁圖以靈字韻往返七疊今
樵野以運甕齋圖屬題置案已久承用前韻催索
漫題奉教

瓶廬詩稿卷五目錄

瓶廬詩稿卷五

常熟 翁同龢 叔平

己丑

題徐亞陶青陽盦雨香室圖

圖作於道光乙巳亂後失去後重得之亞陶有
詩紀事圖凡六人亞陶其一也

我昔乘月過秀州叩門一訪煙雨樓不知青陽在何許
大橋夜市燈火稠十餘年來塵土窟清夢不到駕湖頭
亞陶詩翁忽過我舊圖一卷君新收圖中之人我所識
張老八十清而修

叔未先生

道光咸豐厯同治逮今光緒卅

四秋當時君年最英妙松風一弄聲颼颼白頭感舊語

悽惋幸有老筆騰蛟虬惟餘一字費攷訂蒙義於古等

獻酬冷謙文璧有成例後來邑乘恐謬悠

君初名薦謙此圖既入邑

乘則此字當訂正京華新歲百祿擎賀春車馬紛如流雪花掌

大塞荒屋我獨挾策頻呻憂側聞士夫重新學欲以飛

軌通神州青牛入夢廢僧閣仁心義問今有不

叔未記云明僧

因梓樹入夢遂廢斧斤慧公古井亦竒絕我雖不食心煩憂斯圖

珠還等閒耳要復民氣嗟何繇我為高官百無補短句

敢附詩人儔喜君未老我亦健歸時重作青陽游

己丑正月得汪文端碎錦書冊因題短句

三十年中侍紫宸雍容無愧五詞臣要知走檄飛書手
半是鳴鸞珮玉人

詩片南齋紀事多當年舊式重摩抄無多官拓時晴帖
時晴齋帖
係官刻未抵家藏碎錦窩

靜以修身儉養廉知公家訓本精嚴影堂像設終無益
積德傳經任要兼

題康熙舊繡冊

冊有國初人題字已丑正月收得因缺題字二
葉補題二詩

聖世原無獻瑞書玉芝隨意長庭除敬從光緒當陽日

追溯康熙邳治初

今年二月三日親政事海內稱慶

上

錯認猩紅染畫屏幽花瘦石太伶俜自憐紫鳳天吳手
閑看牽牛織女星

己丑二月偶見文文水龍舟圖發興摹之既錄原

詩於上并和一詩

文作於沿江旅次吾意乃在東西洞庭

具區三萬六千頃容我山椒著一村小拓軒窗臨絕壁
更栽桑竹滿平原瓊簾詎起湘纍魄玉磬難尋學博孫

文氏今式微

從此入林甘寂寞尚嫌簫鼓隔江喧

重題章侯畫博古牌刻本次前韻

己丑二月九日得章侯爲豫和尚畫八葉喜而

賦此

突兀蕭疎有此夫琅華二水總書奴雲寒雪薄春風厲

忽憶吾家三友圖

章侯歲寒三友卷
先公所賞今在南中

吳山道觀有遺臣白髮黃冠畫裏身忘事已多緇閱嬾
不知老豫是何人

己丑五月閩考試中書卷呈徐李兩相國用聚奎

堂壁間韻

回首西清歲月深瓊闌何幸又同臨倦飛卻接鷓鴣翼
衰朽還依杞梓林醉罷評文書字大夜闌選卷篆煙沈
林花落盡朋遊少惆悵揚園話舊心

五月二十五日聚奎堂刻題口占用前韻

鐙火蕭條夜已深此堂強說舊登臨似聞滄海無遺璞
或者禪枝有別林世上雞蟲爭得失眼前朱碧眩升沈
鳳池會有夔龍業看爾扶搖萬里心

酬柳門侍郎論書仍前韻

近時隸法道州深越騎公方銳意臨每恨世人矜筆陣
更嗤帖賈炫碑林奴書愧我豪端弱能事輸君臂力沈
同展黃封題目以黃紙封下瞻聖藻敬從羲畫見堯心

己丑七月麟芝庵得品字蓮一苞三萼亭亭秀絕

賦此貽之

一花三萼兆三台，疊作三三九品臺。從此化身千百億，是三是一總如來。

吳人好事說方蓮。

吳中近有方蓮，花葉辨而正方。

密蕊重臺面面全，我

道不如虛一面好花，何必十分圓。

豆棚茅屋野人家，讀畫談詩到日斜。天上紅雲看徧了，

今年西苑荷花極盛。

不知世有妙蓮花。

濱石楊先生余執友也。己丑七月，余假歸省墓，比至里而先生歿已七日。拜瞻遺像，詩以哭之。

天風送我歸，七日飄輪馳。奈何故人面，靳此須臾期。入門一長號，瓦燈映練帷。更讀別友詩，令我摧肝脾。嗚呼

我與君交情同漆。我氣盛如雲。君慮密於絲。持此兩相濟。亦用相箴規。君爲文章伯。出入鳳凰池。至今禁扁字。照耀三殿楣。我忝講讀官。謬領金穀司。耿耿千柱宮。縛蒿豈能支。昨來西山廬。倦鳥一脫羈。小牕對好山。枿欄綠差差。君兮翩然來。照見鬚與眉。十年不見君。玉色何豐頎。我有望溪文。亦有東洲詩。更有千萬端。就君決然疑。君胡不一言。慰我無窮思。大化自旦暮。乾坤尚瘡痍。嗚呼我與君。生死從此辭。

題吳清卿臨石田張公洞圖和石田韻

余得石田張公洞畫卷以爲奇蹟不知真本乃

在清卿處已丑八月暫假還小飲次公所徐翰卿以清卿臨本見示并索題句因和石田韻以發一笑

吳山不能飛鑿空自成菁蕭寥善卷洞竒嶮天所牖炯
從九幽底照徹八表晝我得石田卷蓋在丁亥後好詩
并竒畫巧與山靈鬪不謂天地間妙手真善覆哀哉鄭
州水萬楫不及救蛟龍雜人鬼混混併一溜吳公從南
來玉色爲民瘦豈如五羊城亭館蔚深秀晚衙散弓刀
書几出巖竇想見落墨時鄉心筆端逗清卿作畫時尚未奉河督之命
我來北墅游偶與徐君邁徑將罨畫溪侑我醪醕耐卻

望古汴城一杯爲公壽

己丑八月宿次公北墅重觀樂賓堂圖因題截句
舊山樓下蕭蕭雨七十年前古桂香相與披圖溯遺跡
更無人識樂賓堂

吳又樂名父以先世橙齋公種菜圖冊見示敬和
冊中原韻六首

滄江一臥布衣尊歷歷參旗近可捫手把犁鋤長歎息
江南芳草已無根

公終隱不仕

人世繁華日易斜苦心爲發善萌芽自開翼翼千倉粟

豈爲縣縣累葉瓜

公振飢育嬰見縣志者皆餘事也

東南學派四明尊古鼎龍文未敢捫

有梨洲先生詩

誰補漁洋

疎雋句春潮艇子到籬根

繫艇當門江燕飛漁洋與荔裳錢公於梁園水樓詩也此

冊卻無漁洋題字

補衲庵荒曲徑斜年年叢桂發新芽
楹書讀徧三千卷別有農經教藝瓜

第一君家治譜尊甘棠碑字我親捫
隨車好雨東風軟

已見秋禾綠到根

名父新抵吾邑甘雨既零四境霑足

秋夜題詩字半斜故應斂手學薑芽
近臣鞬迹孤兒淚

默數歸期已及瓜

同齋蒙恩給省墓假兩月將以九月還京

已丑八月訪桂鄧尉宿還元閣許受之以尊甫鳧

舟翁東籬中正圖付諾瞿上人屬書數字旣感其
意又待月默坐因成三絕

刻畫西風有畫圖行閒細楷密於珠落花闌荔皆無畫
卻憾歐曾用意麤

六十年前已肇端莫將洋種溷園官是書不獨花中正

我作春秋史例看

洋種別
爲一卷

都下十年常閣筆

鶴巢屢以東籬中
正屬題未敢落筆

山中一夕忽催詩

桂花未放白魚瘦記我秋堂待月時

華筵秋畫

冊有揚瀕石題適缺一葉价人屬題一詩

遂秋瀕石今安在令我題詩一惘然幸有碧芙蓉館主
人价同舟爲說畫中禪

趙次公藏蔣山堂書肇公非不空論寶藏論卷屬
題天真野逸四字於其端而已有六舟隸題乃書
於後并系一詩

世尊甚竒突離法不離真我讀肇公論如親柱下人蓋

道德經良書成自性妙腕健於身亦有空山志誰歟擬卜

鄰

題趙价人扇

袞袞中朝彥誰歟肝膽傾東臯好風節北海是平生指

城李孤事老學心逾壯陰功耳輒鳴樓臺甚無謂重疊累人情

喜君腰腳健吾亦強追陪銅佛淡無語山花懶未開啜
茶元妙觀選石萬峯臺傲我長征客逢僧說再來

君約明年

探梅

題胡息存臨爭坐位遺跡

虞山東麓石梅旁一角鄰初舊草堂祠宇已新門徑改
更無人說木樨香

近來蝮叟繼清臣收斂神鋒健絕倫我服松窗老居士
沖和平淡得天真

題補籬種菊圖

己丑九月蘇假滿將還朝二姊以是卷屬題詩
豈復有詩意乃作謠諺之辭以獻

上堂別阿姊阿姊淚如雨問弟爾何為行役苦不已
久留固無名簡書況有程姊看隨陽雁汲汲南北征商聲
滿天地如羹亦如沸阿弟襟袂閒斑斑家國淚我淚豈
妄揮人生重乖違敬告世上人弟兄莫分飛示樸吾姊
夫古之狂狷徒開編見題字令我長嗟吁種菊復種菊
今年高過屋更待三五年金英絢秋谷

題楊濠叟詩冊

冊爲其姪婦趙書趙之夫蔭眉秀才今年秋試
卒於舟中甚可嗟悼乃和濠詩首篇以題於後
我愛濠叟詩又喜濠書跡濠書固不磨炳炳見心畫篇
終附短札其意蓋有擇東坡志林語似惜百年宅秋風
吹歸航瓊華隕一夕鸚鵡復鸚鵡人事那能必老成洵
先見英雋當痛惜我作巫陽詞庶返故居魄

小樓默坐風雨蕭然示萊卿姪

黃浦江頭東北風三羊涇畔雨濛濛

所住曰三羊涇橋

傭書聊

對屠牛案載酒兼謀養鶴籠

攜鶴一雙

別意已如秋氣莽詩

懷預擬海天空木棉已損田禾爛都盡先生感慨中

棉花

因風雨減三成早稻已刈未收需晴
乃佳否則泥爛鄉人謂之爛稻鋪

有人贈桂花一枝龍眼廿枚

折贈天香用意深土盆瓦注費搜尋

洗醬瓶插之

劇憐鄧尉

千株雪未抵君家一捻金

八月訪桂尉尉絕無花也

荔枝龍眼原殊祖可笑東坡併一談
忽憶尚方珍果味

閩貢到時頻蒙宣賜

有人聽雨臥江南

贈吳秋農畫師穀祥

秋農四十鬢先絲自署吳門老畫師
君似鷄鷓避鐘鼓
我如駑馬戀旌旗
海天萬里何從寫
風雨重陽有所思
自起推窗看雲腳
還朝擬趁菊花時

次韻趙次侯

宗建

送行之作

吾生辭墓不辭家未敢忘情且避譁畏此簡書行有日
溷人筆札浩無涯君親擔荷微軀弱身世艱難去路賒

正合遲遲偏汲汲辛峯淒斷白雲遮

時以小輪船帶行

三百年來第一家

次公報慈橋宅已三百年矣

修篁古木靜無譁先

生東郭兼南郭處士山涯又水涯好事每愁花易落留

賓不厭酒頻賒梅顛

君新構此閣

綽有元龍氣尚恨窗櫺面

面遮

先公昔主隱君家燈火秋堂絃誦譁三萬七千到今日

距今七十六年

東西南北總天涯孤兒白髮音容渺老樹孫枝

歲月賒

庭前善提老樹皆曾識先公者也

此榻若因徐孺設莫教去後

網塵遮

偶遊汗漫即浮家來聽塵中市語譁小閣滯人天又雨
片帆遲爾水之涯鱖魚香稻常年足破鐵枯銅到處賒
昨日八龍來鼓瑟應知高會是無遮

冒雨至天文臺主人鼓琴娛客

重九遣興用前韻

送酒誰過陶令家題餹聊趁市兒譁望洋河伯愁無那
行雨臧孫知有涯僕病方知醫最少囊空不厭晝頻賒
隨身紗帽休吹去如雪頭顱仗汝遮

為顧皞民題王蓬心瀟湘圖

三羊涇頭作重九自煮白魚沽市酒小樓一角有明窗

彭蠡桐廬森左右

麓臺兩畫

叩門者誰銅井客知我羈愁倦

奔走蓬心一卷送將看瀟湘扁舟落吾手北風釀寒金

菊瘦苦雨連旬木棉朽微波落葉渺難即鈞天廣樂知

何有徑思一訪洞庭君豈意重逢永州守

此畫余在京師屢見之

永州辭官居鄂渚黃鶴樓前看星斗古懷浩蕩空自怡

老筆矜嚴殊不苟董源斯圖本竒作千仿百摹雜妍醜

最難平淡得雄深前有米顛後董叟永州臨古不泥古

落墨渾忘誰與某靈巖館敞壓籤廚快雨堂深驚戶牖

當時諸老共嗟賞况復流傳百年後我今赴闕意飛動

尚戀衡雲屢回首千言炳炳

聖恩重

蘇本擬赴湘入
辭時面諭以浮

海慎

一雨遲遲天意厚羨君翩然隨玉節直溯九疑上

峒嶠江山文字感前因意氣平生徇交友夜來題詩語
荒率滿紙蛟蛇互蟠踞銜花吐破屐聲稀明日新晴肯
顧否

三題章侯畫博古牌刻本次前韻

文學何須笑大夫上林古有牧羊奴要知商戰今宜講
能得斯才亦本圖

愧我硜硜作計臣曾無膏澤及民身楚茶折閱吳絲賤
愁煞東南數郡人

庚寅

庚寅元日爲徐筱雲題石谷松竹長卷

百八年來墨尚新題詩豔說四庚寅不知白髮滄江客
可識趨朝讀畫人

圖作於康熙庚寅卷中題者多吾虞老輩

羣松和竹繞山村村裏人家綠到門彷彿碧溪羅隱宅

短籬破屋勝梅根

圖爲黃山羅君作余嘗夢至一處勝曰梅根

爆竹聲中畫虎符

今年正月壬寅朔余於寅時寫虎字數十余庚寅人也

硃牋絳

蠟眼模糊歲朝韻事吾能說磨墨新題水竹圖

侍郎採藻立彤除曾有春秋百國書參透畫禪關揆子

試教卷去又何如

後雲深於禪而癖於畫故戲之

題自臨錢叔美五柳先生圖和陶歲暮與張常侍
詩韻

坡年六十一始得白鶴泉讀其和陶作感歎形於言我
年等坡公職事一何無俯仰愧素餐內省多咎愆門巷
頗寂寥登車見西山晨隨獨鶴興暮逐羣鴉還明鐙照
我堂暫脫塵事纏酒罇雜畫卷用以酬新年陶公早歸
來蘇公晚南遷我非陶與蘇一醉亦陶然

金壽門秋林月話圖師六朝人筆意錢叔美稱其
古雅簡厚今從錢本摹一紙

柴門敲破不曾開一日訪君幾十回暫向秋林發狂論

西風寒上幞頭來

壽門先生古謫仙鴻博系銜亦可憐咄哉真虎不得見
纖毫劣腕來鉤填

己丑秋暫假歸里同人觴之於虛霏園蓋曾氏之
園也明年春君表奉其曾祖勉耘公歸畊圖遺像
求題敬次先公韻二首君表將歸即以送之

古人守一官患澤不及民今人愛官職惟思富倉困苟

無匡時志朝野理亦均辛峯有大雲醞釀無邊春追蹤

陶

子師公

與翁

吾七世祖上枕公

施教洛及閩融融化梟鳳蕩蕩

平畦畛君看秋水公

伊墨卿先生

題詩墨猶新上言操守潔

下言吏職勤部民所身受諒非諛頌文經術久凌替仕
途多荆榛雜流驚新學賢否何由甄要當表清官庶幾
公道伸孰不說歸畊此詣未易臻從來進退際悉本道
德純淵哉名賢澤奕葉尚未湮不羨好園池羨汝棫樸
薪文章爲世出忠厚及物仁用以啟後昆亦以答先人
十載不歸田戚戚軫夢想歸來三十日此願亦虛枉故
人知我歸難黍集親黨側聞二老閣尚有舊題榜湖天
固無恙管鑰今誰掌二老間爲二曾先生讀書處今曾氏別支居之同儕兄弟
行無復吾師丈近聞多漏略况乃話疇曩霏園秋荷花
零落獨矜賞卻思百年事敬歎雜怙快吾祖潛虛公一

官墮蒼莽同時二曾子

牧庭公勉耘公

笙磬答幽響官轍分海

角古誼在天壤惜乎南豐圖未寫叔茂像還朝得展拜
余齒亦已長便擬速歸耕湖田數來往

題錢子密甲申年極樂寺看海棠圖

頃因文字識名駒

謂哲嗣新甫

仍世交情與衆殊醉裏索詩

期火速老來涉筆愧平鋪對花起草真仙吏罷政談經
有腐儒甲申年事若以無香論品次名茶終恐遜牛酥

已嗟嫩蕊鬪新粧差喜名流爲舉觴一語便稱天下豔
幾叢能帶古時香綠章夜告緣何事銀燭高燒有底忙
頗憶承明卅年景青旂錦節映朝陽

寺當浚園蹕路之西

庚寅五月閱國子監學正學錄卷用壁間韻呈蔭

軒協揆

斗室蕭然道氣深齋居常若帝天臨力扶文派回滄海
手種名材作鄧林愧我十年頻典校竟隨一世與浮沈
危言日出竒觚眩太息膠庠養士心

伐鼓秋堂夜漏深當年二老憶同臨

癸丑六月
與尊公太常護月

同坐階下
談禪甚契

問禪一笑蝦蟆窟證夢三生薜蘿林

先子常
夢前身

爲僧曰
了觀

寶蓋已飛遺偈斷楹書雖在舊徽沈白頭幸得

從公後各勉憂時報國心

謝崇受之贈蘇齋寫明人詩

誰寫明賢塞下詞
九邊月落雁飛時
論詩不及嘉隆後
風格矜嚴世未知

推證偏旁字
偃戈不應真帖反
傳訛吾齋考古圖摹本

已怪當年贗鼎多

舊藏續考古圖四冊公手鈔古文亦多訛舛

淋雨兼旬萬戶窮
杜陵無屋破秋風
曝書未了落生篋
忍褻君家貫月虹

小詩代東呈銘鼎臣同年

五月書來約看花
豈知六月雨如麻
巴溝一曲泥三尺
何況城南十萬家

閒官飽粟未全貧
饑鶴無端夜詔頻
送與養年精舍主

雲山西北渺無垠

僕有病鶴擬送養年別墅

墓黃小松載書圖即用原韻送姪孫炯孫南歸

行矣從茲別歸歟不可留艱難思舊德沈著勵潛脩體
弱須珍護途長莫浪遊殷勤載書去置我最高樓

謂救虎閣

題歐陽文忠公像

庚寅七月戶曹孫君以歐公畫像見示云是新
鄭守墓子孫所藏諦審紙墨乃南宋時物又譜
圖一卷略與刊本歐集同其中名系足訂刊本
之失者非一末附莘雲先生事蹟數紙則元季
遺老入明不仕者也既賦一詩題於紙尾并摹

畫像以志景行

布衣帛冠致駭牝地員海王富組練古來謀國重君棟
今日名言務商戰歐公生當宋極盛位業文章世所見
偉哉三策策關西欲為茶鹽散餘羨平生服膺居士集
自恨迂庸儒術淺滔滔江海漏難收肩肩錐刀計空擅
京師雨狂水浸屋頗似東都溢清汴螺陂一圖忽攜示
昔讀公書今識面渥丹桃李發酖顏爛電龍鸞動英眄
憶昔來往澄懷園六月荷花大於扇詞流幾輩拜遺像
慘淡丹青宋時絹霜紈兩柱燕閒服上有天題金碧

綯林穎叔得公滁州畫像乾隆
中裘魯青攜歸有御題

當時驚歎畫龍飛無怪

環滁山色變三十年來一彈指絕少朋哉文字讌幸逢
新鄭子孫賢猶奉遺真走京甸秋堂夜涼百蟲語舊學
荒蕪新說眩惟持金石一千卷侑以琴罇雜芳蘼千秋
定論文在茲一代通儒動遭譴利權在上慎持籌兵法
攻心靜傳箭休誇飛白善經褒切望邊材盡邦彥

爲董子珊太守

毓琦

題董思白陳眉公小像卷

并爲

題華亭二鶴
四字於卷首

白頭相對角巾寬我作松陵一集看可惜悲歌董公子
不留柱下注天官

題台州臨海縣宋徐貞定溫節父子墓圖爲楊定

甫侍御并呈其尊人友聲先生

邱壘非吾道江山自炳靈洗碑三版見判牘萬人聽
台學從茲啟時賢未敢銘

謂儀徵相國

側聞橫舍闢匪獨萊猗

亭

考亭題墓後繼軌者誰與獨有楊夫子蕭然此卜居宏
編赤城志先令碧泉書五百年遺澤高風足起予
有宋真儒出東南質行多從來高隱士無忝直言科出
處關朝局艱難挽世波韋桓何瓌瓌涉世近妍媸

題林錫三閣學

天齡

遺照

生前闕賓敬死別翻追隨林君吾故人開卷見鬚眉頗

欲作文字紀我合與離淒然家國感把筆落涕洟憶當
辛未冬吾母病阽危上書乞侍養瀝血肝腸披聖慈未
聽許令舉替厥司觥觥林夫子直節好風儀行在通介
閒文筆雙葳蕤英英南皮彥編修張君之洞秀特余所師遂以
兩君薦並堪侍經帷君獨入承明我旋伏茅茨執手三
唁我我默無一詞洎我免喪還君又秉節馳泊舟隔一
江見子桅上旗大哉 毅皇德微陋罔或遺楸梧閒擻
棘薜蘿逮蒹葭側聞君在朝讜直無所私又觀經進文
舉筆不忘規謂當佐太平出入侔皋夔奈何遽淪逝戢
恨滄江湄人事旣代謝天行有參差惟餘白髮郎終老

鳳皇池坐此自嗟詫久廢題圖詩三年置高閣旁人多
然疑或云羸老甚有筆不能持又云付朽蠹野鼠銜其
髭豈知筍脯筵年年薦金卮蘇黃兩詩翁宥坐惟君宜
君有好兒子珠樹連瓊枝文章珊瑚鉤餘事國手碁終
當繼遺志嶺海騰光曦我無蔡邕筆為君勒豐碑寒夜
題此詩寫我無窮悲

為錢子密

應溥

題吳仲圭竹譜敬次其尊甫韻

董源半幅久不聞大癡秋山野火焚

近見燒壞秋山圖

梅花庵

主獨無恙巨卷吾識瀟湘君瀟湘婉婉靜多態欲吐槎
牙轉茫昧試看卅幅文洋川除卻東坡有誰配世閒那

有東坡翁鳳脩龍嘯莫與同
椽林楊花亂如雪遠公跡
遠嗟難逢海上驚烽得朋盍
苦語新篇互酬答可憐漂
泊杜陵居不及差我大蓬塔
梅沙彌畫世絕倫甘泉鄉
人書等身斯圖未忍頻開看
淒絕兒啼撰杖人

敬題

純廟御畫石芝圖

此石芝圖卷

純廟御畫賜錢文端公同龢所

敬藏一日過宗丞錢應溥出其高祖母南樓老人畫冊每幅皆有御題並文端父子三世手跡相與讚歎宗丞因曰吾家尚有石芝圖失之

久矣同龢歸檢篋竒得是卷敬奉宗丞並紀一
詩以賡盛美亦以誌錢氏子孫能世其業焉

天上圖書聚大羅臣家緝頌首猗那欲知聖藻超唐宋
不屑長牋鬪頰坡一騎送詩煩唱和十年佚老自婆娑
從來忠孝流貽遠多少豐碑字已磨

題張南皮畫冊

凌晨入紫微跨馬晚言歸炎景赤穿繖暗塵緇染衣掉
頭巢父路失腳釣人磯忽覩空明境飄然一鶴飛

畏炎成小極喜雨得新題

原題云病暑初起喜雨作此

民望崇朝慰

天心萬物齊墨痕沾紙滑花氣入簾低卻怪雲林景晴

光輿畫溪

南皮老詞客畫筆最清蒼遠法董思白今師戴鹿牀室
因藏帖窄官爲作詩忙一角西山碧澄懷意未忘

題陳章侯三友圖

此三友圖道光己酉先公得之於吾邑沈氏
喜誦其詩常以自隨先公既卒吾五兄攜之
入湘入鄂去年吾省墓歸又攜以北每一展卷
不覺涕泗之橫集也庚寅長至前一日齋宮侍
班歸檢視此卷因題一詩後人能謹護之否

元冬動琯灰雲物藹皇州侍輦入齋宮散我鷓鴣傳歸

來弄圖史偈及無遠謀既渺磊落人懶與屠沽遊遊子

思故鄉狐死必首邱東華數閒屋焉用重簷庑

時方擬築屋數

閒不如破龍澗臥我救虎樓我於近人畫最愛陳章侯

衣縉帶勁氣士女多長頭鐵色眼有稜儼似河朔酋次

者寫花鳥不以院體求愈拙愈簡古逸氣真旁流嗚呼

此三友先公所綢繆後入吾兄篋南走鸚鵡洲我頃

攜以來復閱京華秋一晝何足道三世虹月舟我無章

侯筆仕隱兩不侔豈不懷歸懷歸增百憂勸哉毋太

康聖主勤諮諏

矩門丈招飲西城圓通觀出示先德禹民公臨懷

問字無絲屢叩門

屹屹東關控蜀疆一州吏卒付低昂文章能發山川氣
不爲跋鷗換瘦羊

以素筆乞得南齋諸公詩畫因題短句

一山一水苔岑氣他日澄懷十友看我作湖田垂釣客
可能曝背話金鑾

題陸小石靈峯探梅圖

圖爲庚申二月作
是月杭州失守

蕭蕭寥寥咸豐春寂寂寞靈峯人探梅再遊常事耳
傷哉浩劫滄江瀕作圖者誰揚蕉隱筆力倪黃標格近
題詩者誰雪隱翁一十八人氣味同吾生出入明光殿

惜與羣公未識面幸從卷尾見丁公

謂松生先生

十萬牙籤

富經傳山僧請經航海來攜卷索詩火急催時平歲美
湖波淥梅花開時山鬼哭

題沈小梅誦芬詠烈圖爲梅孫方伯

虎節熊幡歲月深歸來塵海暫抽簪一家著述吳興派
萬口歌思隴上吟豈屑蝨魚尋活計早知雛鳳繼清音
江南好手探微筆能寫趨庭孺慕心

交際君家父子閒蹉跎我亦愧衰顏馳書灞岸瀟瀟雨

戊午余典試陝甘丈爲外簾監試明年余

飛泊燕臺點

以學政移疾歸文遣騎送行此意特厚

點山巳丑與梅孫舊夢已隨池草換

謂似竹

新詩聊趁

井梧閑文孫又報循良績

期仲權昭文
縣士民感頌

屈指當年尚珥

環

爲孫駕航

楫

題崑崙關題壁圖即送其之湘臬任

邕州山水天下靈桂勝所紀我熟聆眼光射過古林邑
嗟五銅柱誰爲銘橫山西來歷郡庭勢如奔馬鞚不停
崑崙突起屹相向棧木削鐵天門扃彼儂者氏蟠隩陁
狄宣徽始通車軫蠻花自紅月自白峒谿常碧山常青
繡衣使君飽六經廿年懶泛珠江舲登高望遠斐有作
欲令文字湔餘腥節華翩翩朝帝廷畫圖入篋留真形
徵詩到我謂我健豈知詞筆今彫零我欲貽君雙玉瓶

夜涼共話囊底廳

萊山新居

平生氣誼竹林彥萬里蹤跡秋

江萍沅湘無波杜若馨神女鼓瑟魚龍聽三關回首在

何許斗南早釋天弧星

用前韻呈駕航京尹

九苞不棄一羽靈九奏不廢一器聆矧吾膠漆三益友
敢以吏職勤箴銘京兆之選重漢庭前張後趙史不停
廉公有威擇民望北門鎖鑰稱嚴扃太行北走起井陘
飛狐倒馬才容軫迴翔緜亘一千里東西秀起橋山青
吾嘗閒遊按圖經鮎魚關口如覆舂渺然極目但平楚
不見毳幕羅羶腥我朝中外共一廷何嘗疆域分區形

只緣衆建力已弱控弦戶口多畸零古來守險如守瓶
邊牆尚有都軍廳即今伏莽已燒薶餘蘗聚散如漂萍
去年秋成黍稷馨今年豐兆輿謳聽移君崑崙大椽筆
一掃直北天狼星

遲盦見和題崑崙關圖韻述先世舊德循覽泣然
次韻奉酬

君詩宛轉骨節靈我詩樸直君其聆白頭每說少年事
况有師訓常鐫銘庚戌余受知文定公我昔分曹蒞訟庭瀾翻誦
律口不停師言此事非汝急勉旃歸試秋闈扁澄懷池
館隔一徑雜花芳草通珉軒葉亭雖小最幽勝二老同

看西山青

先公與文定師同寓淀園

君時下帷羣衆經我亦未暇揚

吳舫玉泉山前殿門下泥首微帶蝸涎腥

壬秋榜後余與君在玉泉

山前謝恩是日微雨

丙科聯翩對大廷我車西邁嗟勞形臨分

唁君憫君病麻衣血淚吞聲零沛州訪君乞一瓶殺雞

炊黍山莊廳潦深橋窄馬又蹶淋漓衫袖黏浮萍

甲戌五月

事兩家先芬播德馨宜蒙天鑒邀神聽艱難會合不復

道吾儕努力今晨星

遲盦和詩再來而駕航以京尹內召聞尚在天津

也喜而有作

邾亭行矣朝湘靈鈞天廣樂疑可聆春風吹船不著岸

勝遊竟負晤臺銘。我京兆開省庭，宜晴快雨轍屢停。

一從沈郎轉官後，海棠閑館門常扃。

黃壽臣林穎叔下
頌臣彭芴亭尹京

時常觴客於後圃，宜晴快雨之闌周。

小神京浩穰拱八

溼千塗，萬轍來展軫。使君坐衙日，決事豈暇更畫蛾眉。

青遲盃手注海外，經歐邏亞墨飛火於雷霆。滿腹暗不

吐，往往語帶蛟龍腥。瓶生持橐侍禁廷，耳聾手戰非昔

形。醉中狂談醒自詫，欲以屯牧收先零。

借韻江流滔滔嗟

覆瓶且持門戶嚴，堂廳神鋒靜斂莫輕試。與君含笑看

青萍秋荷枯盡瘦，菊馨琵琶哀怨難為聽。三人一夕詩

百首，明日喧傳聚德星。

遲盒三疊韻見示益進而語益竒不覺歎服呼余曰紫芝主人又不禁失笑也勉事攀和謝不敏矣

紫芝三秀卉木靈白龜千年古語聆故人取此榜我室

自誇雲篆天書銘

楊濠叟書紫芝白龜之室贈我

老遲憲憲立紫庭日

草詔書筆未停猶能餘力發竒藻盡破唐宋詩人局我

如老嫗倚竈陘敢邀織女迴軒軫清詞三疊發一笑粲

然重覩長眉青城南顧祠我夙經鳧翁蟻窠偕詩舫拈

新鬪儁日不倦時或野飲羅芳腥今我與君並侍廷同

搔白髮勞神形自慚金穀非所習東南民力嗟凋零朝

來大風欲凍瓶紙窗尚敞司農廳散衙輕車坐搖兀真

同塵海漂秋萍小齋靜聞藥火馨右臂乍槁耳重聽願
君且收畫日筆我亦匣研藏涵星

題成哲親王手書五十生辰賜物單

磐石宗支重家人禮數殊敬觀大詔令每述舊訐謨
六年論大挑舉人事純嘏從天錫多儀與物俱隆恩無以報七百
顆驪珠

聞道梁園冊遺詩未盡編祇傳眷令頌竟缺白華篇
晉

齋集自己未至經義高逾淡歐書老更圓
皆王五十聽

鐘舊題句定憶卅年前
見集

城闕蒼涼甚山池寂寞時篋亡苦筍帖塔識落花詩
園

在花塔山集有龍種生應異鵝經換最奇天人承夙德
落花詩若干首
豈獨楚弓遺

辛卯臘月十九日蔭軒協揆邀同人作坡公生日
文卿同年奉茶陵相國像至未暇展拜也敬賦二
詩和蘇齋老人韻

此幅蘇齋所藏丁亥春予得之以寄文卿者也
予又得西涯小像上有蘇齋老人一詩今不知
所在

觥觥懷麓集豈點弁州文退谷有公論殘編得璫聞近

孫北海畿輔人物略手稿文正一傳與
史頗異首曰以戎籍隸金吾非戎籍也祠荒太僕樹墓

冷畏吾雲史筆爭時局何人怨相君

太息孤危跡躑躅尚論中賦詩吾輩事補竹昔賢風譚
子爾何意蘇齋客豈同平津一樽酒難遣百憂空

壬辰

駕航次崑崙關圖韻見示走筆奉和兼呈老遲

梅花送喜鵲舌靈六街好語欣先聆百年得覩元日雪
宜晴快雨當鐫銘使君拜章告紫庭退朝將吏謁不停
雄篇忽和去年韻謂當封篆衙齋局飴山使節出趙陘
漁洋亦紀入蜀軫今君二難并為一奇氣直掩綸霞青
何不徑仿離騷經惜哉未上湘江舫九疑冥冥子規叫

二妃淚竹苔花腥留君雄臺侍帝廷一揮千牘忘勞形
賦詩飲酒例有禁無怪詞筆多飄零瓶生枵腹長頸瓶
臯比坐擁慚辰廳耳聾臂枯百無用靜觀萬物同浮萍
春盤脆牙筍蕨馨雛鶯學語宜可聽作詩兼想老遲叔
毋為深悶匏瓜星

老遲新納姬人故及之

題舊藏杭大宗詩畫冊

此冊為先生雍正十年壬子入閩分校鄉試時
作其詳見榕城詩話中

閔才不世出軼事有傳訛人訝揚風子吾呼蘇大哥

先生

謂吾詩兄事東坡故每呼為蘇大哥

築亭新補史上殿古詞科寂寞南屏

杜荒墳可奈何

閩行詩數葉猶喜畫圖傳
園荔紅成市村榕綠到天
山川越王殿羔雁孝廉船
省識憐才意頻將斷句編

閩中望雨呈祁子禾用壁間韻

屯雲銜雨過春深
日日瞻天切鑒臨
我輩豈能分菽麥
聖人久已禱桑林
近聞畿輔頻傷潦
大築隄防爲漉沈
憂水甫過還慮旱
一時併集長官心

遣興

默默端居春已深
瓌闡何地可登臨
嚶鳴且喜鴛遷谷
瀟灑終輸鶴在林
柳子囚山甘寂寞
蘇公浴室久浮沈

海棠落盡東風惡觸我江湖萬里心

禾丈示詩奉和一首

辱公知愛抑何深嶮韻新詩取次臨天子意方崇學校
丈人端不愧儒林丈押林字用學校如林今年覆試欽命題也試看一字長
城固肯使羣才大壑沈別有衷懷言不盡邈風來往感

予心

贈霍慎齋同年

粉署才名歲月深春官秋賦一時臨祥禽未許辭阿閣
君任閣學最久朱草還欽出上林宗臣中君年最長病起談詩神愈健
老來對酒氣先沈君少年時豪飲夜堂燈火渾如夢張觸當年

立鵠心

余與君爲
丙辰同年

贈李苾園閣部

落岑一氣墨緣深
差喜聯鑣瓌院臨
四省頻年持使節

君歷典晉粵蜀
試又督學滇南

幾人兩度入詞林

君任臺諫以迴
避再入翰林

高文

競說傳衣重昔夢
空嗟折戟沈

君爲先兄文
勤所取士

聞道且蘭

舊桃李至今猶識愛才心

先兄任貴州學政時
及門士今在者無幾

再簡慎齋

獨坐虛堂念慮深
隔牆遙喜履聲臨
微聞子政多封事
不獨君和重藝林
直道自邀天眷顧
孤蹤漫與世浮沈
自慚早識同年面
今日方能識子心

鱒魚和子禾文

滄江春暖暮潮深，覆釜山邊蠟屐臨。
一箸殘腥櫻筍節，數家小市柳花林。
誦君驅鱷新詩健，愧我烹鮮舊夢沈。
漫舉當鮪箋爾雅，蟲魚璣璣又何心。

青來爲我作璣闡，玩月圖破秋題詩。
渺然有湖山之思，時方校閱未暇奉答。
放榜前一日次韻以發一笑。

鹿床文孫擅家學，爲我寫出江南山。
汝南高賢古詩伯，閒出妙語深淵淵。
嗟余老懶廁其列，一堂二妙難追攀。
風簾官燭坐兀兀，臂枯不復親柔翰。
明珠沙礫溷不辨。

自憾目力今先殫瓌廳韻事差可紀意在晁李蘇黃間

滄江連天碧玉環彷彿夢覩金仙顏牟尼一串親授記

信我此語非欺謾夢紀夜堂蕭然燈火閒明日放榜開重

關卻嫌官事太迫促詩情畫意紛難圓清和節過尚薄

寒瞻天日日愁占年海棠花落榆葉墮并恐摧我青琅

玕余齋新種竹昨宵一雨蘇地脈嘉穀奮起刪茅菅市聲喧

闐烏鵲喜西山想見明煙巒繼今布漢更優渥至尊方

宿郊宮壇今日常雩吾儕此日足可樂且放衣帶敵巾冠談

詩讀畫了無事一尊相屬同加餐明朝鵷鷺各分列旌

旗拂拂青雲端

題吳憲齋等五人畫東坡事蹟圖用東坡送周正孺帥東川韻

坡公送周正孺詩曰得郡書生榮還家昔人重
蓋有歆羨之意焉今憲齋還朝一月即銜命鎮
湘中豈直東川而已僕衰病侵尋不復有歆羨
意故作二詩次韻題所繪東坡事蹟圖後

卅年溷京塵末疾苦臃腫可憐屈原賦悵望姊歸冢時余

有姊喪

新圖忽見示令我意驚聳當年東坡翁亦拜邇英

寵方其進對日蓮炬歸途擁泊乎行貶詞中壽爾木拱
丈夫出處際豈必戀邱壟委蛇未足賢急退亦非勇荒

庭時秋花閒臥養衰冗此即枕柳庵吾將息歸踵

坡公舊遊處草木皆增重獨於衡湘閒未謁九疑冢君
今持節去紫蓋看森聳南方付坐鎮天語特矜寵想見
此邦人竹馬花枝擁楚才洵多美合抱雜把拱文人或
情游壯士輒登壘陶鎔歸大順所賴仁者勇坡公論高
麗文字最繁冗要使密海州毋曳雕題踵

壬辰九月廿九日與汪能亭侍郎奉派武殿試讀

卷官同宿內閣直廬能亭以玉照屬題率賦此詩
鰕生戊午年廿九曾發軔車步隴首能亭辛未三十三
正持玉節巡終南後來憲齋亦奉使甲乙之年遂分試

陝甘分闈甘肅亦設學政書生慣說宦遊鞦一笑陳迹如飄風秦川

對酒向我醉太華送碧為君容長安坊南數椽屋巷隔

雞飛來往熟皜亭每為憲齋留余亦深談夜秉燭憲齋今年

來京與余寓居最近皜亭寫真見真吾憲齋倚裘補斯圖商山紫

芝渺何許橘中之樂有是夫今朝微雪點鏤廳上堂對

案校武經默寫孫子九十六字白頭尚有論兵口不減當年衫鬢

青

題孫遲庵藏天女散花圖

聰明漫說雲門棒灑脫真傳雪竇風不是遲盒有慧眼

如何來問鹿皮翁

纖纖微月照窗時
落落鴉叉手懶持
只見一張好東絹
不知何處可題詩

壬辰十一月廿日與族人朗生翦燈話舊兼及釐
卡各事慨然而歎因賦一詩

快雪初晴已見星
相將溫酒話寒廳
長才筆底生花豔
薄宦衫痕似葉青
一命豈無民社寄
重門肯使客舟停
朗生自蕪湖關卡來
慚余投老司金穀
欲折秋毫未忍聽

題祝枝山書樊毅碑華山碑

世間狂草輿臺耳
沖淡方知骨格清
卻笑鴛林工論斷

漫將閑素擬先生

虛舟論書不滿於祝
京兆謂爲骨氣未清

延熹尚有流傳本樊氏三碑一字無申國西南有謝水

莫教錯認射陽湖

此樊毅碑云謝陽之孫足訂
范書樊丹封射陽侯之誤

佛圖一卷無從問幸有夷堅兩志留悟得書家篆分意

縱橫排比總庸流

余家藏有京兆小楷佛圖澄傳精妙
無匹今失之矣復收得小楷夷堅志

一卷成
郵舊物

去年題壺窠崑崙題壁圖以靈字韻往返七疊今

樵野以運甃齋圖屬題置案已久承前韻催索漫

題奉教

長庚仙才役百靈

謂蕊
客

碧池魁紀妙語聆

破秋
雲門

今君又

辱冰雪句催我爲續枕榔銘古來節使臨邊庭車轍馬

跡不暫停豈若九萬里海國天誅蕩蕩門無扃歐亞橫

度東西陘墨州南北分火輪一言竟破逐客令安我萬

竈炊煙青

君爭美國雇工
事立約未行

盟辭不載春秋經行人返旆

揚歸舫歸來一笑解詩橐筆頭尚帶蠻花腥偉君憲憲

立紫廷刻畫九鼎魑魅形西南諸島各相杖我所慮者

羌先零倪迂已矣水覆瓶老榕綠闇五羊廳開函忽覩

鳳樵字恍惚荆渚蹤漂萍

余至鄂渚
躬岑在荆

國香不與衆卉馨

古奏不共今樂聽祝君早晚開莫府憂時衰鬢已星星

瓶廬詩稿卷五